

# ለክታቢ ተረሶት ያለቢ ተቃጠባት



ኢታይ ኢታብ ለበለ ደረሳሶ ሊደገላኑ በአቅልዎ በትቃጠሶት ቲንዞት አለቢ። ኢትኬተሎንይ 10 አዳብቸ ኢታባይ አይነኮ በትቃጠሶት ተድጋለሎት ያለቢነኮ ጥርመቼ /ተቃጠሶት/ ዮቦን።

1. የኢታባይ አንጨክ በጠረኚ ወረቀት ሀነግነ በላስቲክ ሺፍኖት ።
2. ኢታብ ቡስቅ ቤለቢይ ኤት በትቃጠሶት አድጉብሎት።
3. ኢታባይ በንጥር እንጅ አልንኮትዎ ኡፍትቻይ አንኮት /አልክፈቶት፡፡
4. በኢታቢ ባንጨምክ የውን ቡስጥ ኡፍትቸክ ምስልቻም የውን ኩቱብ ተከተሶት ኤለቢ።
5. ለኢታቢ ዩፍት መላዩ ሀነግነ የቅራት መፋዩ ዮነ ጠረኚ ዮነ ክርታስ አቅኖ ተድጋለሎት ያትኬሻን በልዳሌ የጄግቡይ ኤተ ሊክሶት አይበሌኔ ኡፍትቻይ ቃቃሶት ኢላትኬሽ።
6. በኢታቢ ኡስጥ ምስለም የውን ኡፍተ ቂደዶት ኢላትኬሽ።
7. ኢታቢ የትቀደደ ሶነ ግርግሶ ኡፍትቻይ አቲንዛዞት /አጣብቆት/ አለቢነ።
8. ኢታባይ በጮኖ ኡስጥ ቲያገቡይ አይትቃቃባነኮ ተቃጠሶት አለቢነ።
9. ኢታባይ ለገነ ሰብ ዊሾ ቲዩቡይ ያትቃጥቡይ።
10. ኢታባይ በትቃጠሶት ኪፈቶት፣ ኡፍትቻይ አይትቀደደነኮ ተቃጠሶት ያትኬሻን።



# የቶጵዮ የመልከት አፍ

የደረሳይ ኪታብ

3<sup>ኛ</sup> ጎልጌ

ዲዛይነር:

\* የታገሰ ሲሳይ



የቶጵዮ ፌዴራላዊ ዲሞክራሲያዊ ሪፐብሊክ አሸር ሚኒስቴር

# መክሼ


ዱም

ኡፍት

<b>ሱረ 1</b>	
አሽር ጋርን .....	1
<b>ሱረ 2</b>	
የአስረ ሼሽት ወሪ ኒአመ .....	9
<b>ሱረ 3</b>	
የኘ ቡርደ .....	15
<b>ሱረ 4</b>	
ጡሃርነት .....	20
<b>ሱረ 5</b>	
ያቦት ኢንደት ወሻይብነት .....	27
<b>ሱረ 6</b>	
ዌጃጃ ምነን ያሶነይ? .....	33
<b>ሱረ 7</b>	
አኩ ወክቲ አባርን .....	39
<b>ሱረ 8</b>	
አሽርጌቱ ቀጨንንት .....	45
<b>ሱረ 9</b>	
ቦርሳሽ ምነ ኢመስላን? .....	51
<b>ሱረ 10</b>	
ፈጅር ፈጅር ምነ ታሶሙ? .....	56
<b>ሱረ 11</b>	
እስፖርተኝ መትፊቀር .....	63
<b>ሱረ 12</b>	
አሽርጌተ በአሽር ጋር ኡስፕ ያሻን .....	68

# ሱረ ሀድ

## አሽር ጋርን



# አሽር ሀድ

## ዩንዞት ቅራት

### ተረሻት 1

በጎልጌ ኡስጥ ቢትረከቦንይ ሙትቸ በቶጵዮ መልክት አፍ ተሳሳሉ።

የቆረ መራርቻሙ እሳሉማንይ ክንብሉ።

ኢታይ ምንግዝን?                      ኢታይ                      ----- ን።

አታይ ምንግዝን?                      አታይ                      ----- ን።

ኢታይ ሱር ምንግዝኒሙ?              ኢታይ ሱር                      ----- ኒሙ።

አታይ ሱር ምንግዝኒሙ?              አታይ ሱር                      ----- ኒሙ።

### ተረሻት 2


አሽርጌታሙ በጎልጌ ኡስጥ ቢትረከቦን ሙትቸ በቶጵዮ መልክት አፍ ቲያፍታቱ ሂንዞኔ የሙትቻይ ምንግዝነትዋ ድጋዩኒሙ ወባጀ አሉ።

## መልክት

			
ደብተር	ክታብ	ቦርጭመ	እርሳስ
			
ጠረጴዘ	ጤም ለህው	የደረሰ ቦርሰ	ማረ አውጭ
			
እስክራብቶ	ላጲስ	ጎሀ	መቅረጫ

### ተረጎሻት 3

ስታት ያሉይ ምስልቶች ሂንድይሙ



### መርሕ 1

እሊ ኮሎ የቀረቡይ ሱልቸ ቡፍት 3 ደር ያንገፍሙይሙይ ምስልቸ መንቁ ባሶት ለአሽር ጌታይ በቶጵየ መልከት አፍ ክንብሉ።

1. እርሳሲ ባይኔን ኢትረከባን?
2. ቦርሳይ በጠረቤዛይ ዋ በቦርጭማይ ጉትን?
3. ደብተሪ በይ አዘር ኢትረከባን?
4. ጎሃይ በጤም ለውህኒ ስር?
5. ጠረቤዛይ አይኔ አዘር ኢትረከባን?
6. አሽርጌታይ ለጠረቤዘይ ፊርን ኢትረከባን?
7. ቦርጭማይ አይኔን ያለይ?


### ተረሻት 4

ለኮሎ ያለይ ምስለ ቢንዞት በምስሊ ደር ታንዙይማሙይ ሙትቸዋ የቡያነይ ፋይደ ለሜጠቃሙ ታለይ መራሙ በቶጵየ መልከት አፍ አትባዱ?



# ተረጎጥ 5

አሽርጌታሙ ያቴሩማነይ ዙተ በሱኩት በቶጵዮ መልከት አፍ ተካኪተሉ።  
መልከት





# አሸር ሆሽት

## ሙሻወረ

### ተረሻት 1

ቲቲ ኮሎ ያለይ አንጭር ወባጀ አሸርጌታሙ በቶጵየ መልክት አፍ ቲቀሩ ተካኪተሎኔ ቀጸኖ ሁኖኔ ተራሩሱ።

### ክታቤ አይኔን አለ?

አቦት፡ ልጄ፣ አሸረ ጋረ ዩድቡያን ሳት ጄጃን። ሁለም ሙትቸ ኢንዛኔ ና።

ልጄ፡ ክታቤ ሊልረክበይ አላቀተልኮ። አቦ ክታብ ኢንዞት ኢቶጀብኛን። በጎልጌ ኡስጥ ዮቡናነይ ብለ ያሸቢያው።

አቦት፡ አቢው ክታባሀ አይኔ አድጎበልኮ ኢመስለሃን? በቦርሰሀ ኡስጥ ኤለ ወይ?

ልጄ፡ በቦርሴ ኡስጥ ኤለ። በአርስሚ ቀደ ኤለ። ለጠረቤዛይ ኡፍት ሉፍትም ኤለ። ለቦርጨማሚ ቀደ ኤለ። ለጠረቤዛይ ሬርም ኤለ።

አቦት፡ በክታቢ ቃቃት ደር ኢንሻፍ።

ልጄ፡ አይ አቦ አጲሻም ኤለ።

አቦት፡ በቦርጨማይዋ በጠረቤዛይ ጉት ላለጊነ ኢንሻፍ።

ልጄ፡ አቢሻም ኤለ።

አቦት፡ መቻላን በአሸር ጋር ረሳሀይ መጣሀ ላሌ?

ልጄ፡ አው አቦ! አኩ ኤከስኩይ በአሸር ጋር አደኩየ መጣሆ።









## መርሕ 1

ለደር የቀረበይ አንጭር ሙሻወረ መንቁ ባሶት አሽርጌታሙ ሊሳሉማነይ ሱል በቶጵዮ መልክት አፍ ክንብሉ።

1. ጩሎይ አሽረ ጋር ሊዩድ በነቀ የክሼይ ምንግዘን?
2. የጩሎይ ክታብ የረከበይ አቦተክ?
3. ጩሎይ ክታብይ የረከበይ በቦርሳንክ ኡስጥ?

## ተረሻት 2


ለታት ተታቡይ ቀውልቸ ኡስጥ አምስተይ ሚጥሮኔ በቶጵዮ መልክት አፍ መሳወ አስቡይሙ።

 <p>ጠረቤዘ</p>	 <p>ቦርጭመ</p>	 <p>ጤም ለህው</p>
 <p>ደብተር</p>	 <p>ክታብ</p>	 <p>እርሳስ</p>
 <p>እስኪራብቶ</p>	 <p>የደረሰ ቦርሰ</p>	 <p>ኅሀ</p>

1. ለስር፣ በስር፣ ለኮሎ፣ በኮሎ
2. ለደር፣ በደር
3. ለሜጠቅ፣ በሜጠቅ
4. ኡፍት-ሉፍት
5. ለሬር፣ በሬር

# ሱራ ሆሽት

## ያሰረ ሼሽት ወሪ ኒክመ



# አሽር ሀድ

## ግርጌ

### ተረጎሞት 1

የሳምተይ አያምቸ ቢክሶት የቆረ መራርቻሙ ዩውዶነኮ በቶጵዮ መልክት አፍ ተሰሉ። የቆራይ መራርቻሙ ቲሳሉሙ ክንብሉ።

### መሮሼ1

ለኮሎ የትከተቡይ ሱልቸ ቅሮኔ በቶጵዮ መልክት አፍ ክንብሉ።

1. አውጄ ምን አያምን?
2. ጌስ አያሚ ምንግዝን?
3. ተጌስ ዞፍ ምን አያምን?
4. ታቼነ ምን አያምን ናር?
5. ሴስትነ ምን አያምን ናር?
6. ሴስትነ ምን አያምን ናር?


### መሮሼ2

ለኮሎ የትከተቡይ ሱልቸ የቆረ ወባጀሙ መንቄ ባሶት በቶጵዮ መልክት አፍ ክንብሉ።

1. ጂማት የሳምቲ ምስትለኝን የአሽር አያም?
2. ኡጠት የሳምቲ ምስትለኝን የአሽር አያም?
3. አርጴ የሳምቲ ምስትለኝን የአሽር አያም?
4. መገርገቦ የሳምቲ ምስትለኝን የብል አያም?
5. ከምስ የሳምቲ ምስትለኝን የብል አያም?

## ተረጎጥ 2

ቲቲኮሎ ያሉይ ምስልቸ ኢንዞኔ በምስልቸይ ደር እትሮነይ ግዝቸ በቶጵዮ መልከት አፍ ላሽርጌታሙ አቲፍ።



## ተረጎጥ 3

ያየር ንባረት የቆረ መራርቻሙ በቶጵዮ መልከት ተሳሉ። የቆረ መራርቻሙ ቲስሉሙ ክንባያ ዋቡ።

1. አውጄ የኒፋሰ ሃለት አይነኮን?
2. ታቼነ የኒፋሰ ሃለት አይነኮን ናር?
3. ጌሰ የኒፋሰ ሃለት አይነኮ ሊዮን ያቀትላን ሆኔ?

## አሽር ሆሽት

### ዩንዞት ቅራት

## ተረጎጥ 1

ቲቲ ኮሎ ተከተበ በድጎበለይ ሰንጠረዥ የቀረቡይ ወራርቸ አሽርጌታሙ በቶጵዮ መልከት በድጋለሎት ቲያፍታቱ ፈያኮ ተካኪተሉ።

ወ.አ	ወሪ	መልከት	ወ.አ	ወሪ	መልከት
1	መሰሮ		8	ማዜ	
2	ጢቅምት		9	አሰራ	
3	ኢዳር		10	ሰኚ	
4	መሼ		11	አምሌ	
5	ናሴ		12	እንቶጎት	
6	ቃግሜ		13	መንገስ	
7	ወቶ				

### መሮሼ 1

የሰሀደደይ ያይደይ ወሪ ምስትለኝ ዮነኮ በጨቅሞት አቱም ባይታይ ወሪ የጨኝመኮ በቶጵዮ መልክት አፍ አበይኑ።

**ባይት፡-**

ቃግማ ያይደይ አስረ ሼሽትለኝ ወሪንት።

ኢሄ የትጨኝውይ በመንገስን።

### መሮሼ 2


ቲታይ ኮሎ የቀረቡይ የአይደይ ወራርቸ አጥራምቶኔ በጎፋይ ኤት ኢገባይ ወሪ በመልክት አፍ-ኢቲሩ

መሰሮ \_\_\_\_\_ ኢዳ ር \_\_\_\_\_ መንገ ስ \_\_\_\_\_

ማዜ \_\_\_\_\_ አስሪ \_\_\_\_\_ አምሌ \_\_\_\_\_ ቃግማ

### ተረሻት 2

ቲቲ ኮሎ በታቡይ ቀውልቸ በድጋለሎት በቶጵዮ መልክት አፍ መሳወ ሺቅሩ





# ተረሻት ሼሽት

## ቅራት

ኢ.ሊ. ኮሎ ያለይ አንጭር ቅራት አሽርጌታሙ በቶጵዮ መልክት አፍ ቲቀሩ ልቤ በሉ /አጥናቡ/

## የአስረ ሼሽት ወሪ ኒኦሙ

ቶጵዮ የአስረ ሼሽት ወራርቸ አይረ ቲረክባትንት ባድ።

በቶጵዮ ተአስሬ ደረት ኢዳረ ደረተ ጃንጎ የዝላምን ወክት። ቢታይ የዝላም ወክት አይር ቲትሪብያትን ወክት። ኢታይ ሃለት ቶጵዮ በማንሚ ወሪ ለቱሪስት ቲቤዣትኮ ያሼታን የዝላም ወክት ኢደር መትፈጄ ጃንጎ ያቀትላን። ፡ ሎንምኮ ተጥቅምት ማዜ ለቱሪስት ኢቤዞን ወራርቻኒሙ። በዝላም ወክት አብዙቲ የቶጵዮ አርዱለ ቁጠልዬ ሆነ ኢታንዣን። ኢታሚ ሊን ተስ ያትራሻን ፈየ ደቼ ቶናትኮ ያሼታን።

በለ ቱሪስትቸ በሉላሉሌ ወክት ቶጵዮ ፎኖ ኢመጦን። በኢዳር ወሪ ቶጵዮ ፎኖ ኢመጦንይ ቱሪስትቸ የዝላም ወክት ተትፈጄኮ ያቆምሶን ባር ገፍልቸ ዩንዘት አያን አለይሙ። በኢደር ወሪ ቲታንዞን ገፍልቸ በቡርነት የኤዶ ገፍልቸ ኢሉይማንን ሱር።

በውኖትምከ ቶጵዮ አስረሼሽተሚ ወራርቸ አይረ ታንኸብያት በውኖትከ የአስረ ሼሽት ወሪ የአይር ኒኦሙ ያሌት ባድ በበሎት ቱሪስትቸ ኢጨቅሞን።


## መሮሼ ሼሽት

ኢትኬተሎንይ ሱልቸ በቅራቲ አሰነት በቶጵዮ መልክት አፍ ክንብሉ።

1. በቶጵዮ የዝላም ወራርቸ አይታኒ ሱር?
2. በቶጵዮ ለቱሪስት ኢቤዞንይ ወራርቸ ማማኒሙ?
3. ቶጵዮ የአስረ ሼሽት ወሪ የአይር ኒኦሙ አሌት ኢሌንይ ለምንግዝን?

# ሱረ ሼሽት

## የኘ ቡርደ



# አሽር ሀድ

## ዩንዞት ቅራት

### ተረሻት 1

በቆረ ሁኖኔ የመራርቻሙ መኔኒሙ በቶጵዮ መልከት አፍ ተሳሉይሙ።  
የቆረ መራርቻሙ ያቱምን መኔ ቲሳሉሙ ክንባየ ዋቡ።

1. ቡርዳሀ አይኔን?
2. የቡርዳሀ ሉሌ መልከት ምንግዝን?
3. ቡርዳሀ ተአሽር ጋሪ አይኔን አዘር?
4. ያተ መናሀ አይኔን?

### ተረሻት 2

## ከውን ሆሽት

ቲኢ ኮሎ በቀረበይ ምስል ደር ታንዙይማሙይ ግዝቸ ለሜጠቃሙ ታለይ መራሙ ጊነ በቶጵዮ መልከት አፍ ወባጀ አስቡይሙ።



# አሽር ሆሽት

## ሙሻወረ

### ተረሻት 1

ለኮሎ ያሉይ አንጭር ወባጀ አሽርጌታሙ በቶጵዮ መልክት አፍ ቲቀሩ አጢሮ ኢንዞኔ ልቤ በባሙ

ሬር ቀጸኖ ሁኖኔ ወዳ ወዶ ተራሩሱ።

### ቡርደነ

አሽርጌተ ከዲርዋ አሊመ ሱር ያሉይ ወባጀ

አሽር ጌተ፡ ፈየ ዋልኩም ዌጀው?

ከዲር፡ ፈየ ዋልኩም አሽርጌተ? ኢኘ ስረም ፈያነ።

አሽርጌተ፡ ኢቢታይ አዝጋግ ምን ታሶሙ?

አሊመ፡- ቡርዳሙ ኢኒሻን?

አሽርጌተ፡ ኢታይ አዝጋግ ምን ኢሉያን?

ከዲር፡- ኢነይ አዝጋግ ስድስት ኪሎ ኢሉያን።

አሽርጌተ፡ ሉሌ መልክትክ ምንግዝን?

አሊመ፡- አቢሽ የአዲስ አበባ ዩንቨርሲቲ አለ።

ከዲር፡ በድባያም የየካቲት 12 የማቴሰቤ ቆር አለ።

አሽርጌተ፡ ቆማሪንኩም ደረሳሶ። አዝጋግ ቻሎትዋ ሉሌ መልክትቸ ተጀረቡት ስረም ፈያን። በውኖትምክ አሽር ጋራሙ ሊሊ አዘር አይኔን ፎኖ እትረከባን?

አሊመ፡ አሽር ጋርነ ሊሊሽ አኔ አዘር ኢትረከባን።

አሽርጌተ፡ ኢታይ ዙተ ምን ኢሉያን?

ከዲር፡ ቂብላን።

አሽርጌተ: ስረም ፈያን ደረሳሶ። በሉ ኢነይ ወባጀ ያሼነቢ ጌሰ ፈጅር በጎልጌ ኡስጥ ኢደብልነያን። የሰሀደደይ ደረሰ መኔከ ቡርደከ ሉሌ መልክት ሱለ በሳሳሎት ያትባድናን።

አሊ.መ: የውን ፈየ ዋሉ አሽርጌተ።

ከዲር: አዝጋገነ እሽልናኩ ለሼገፍሙነ ኤት ያሾክርናን።

አሽርጌተ: ፈየ ዋሉ ደረሳሶ!


### መሮሼ 1

ለደር በቀረበይ አንጭር ወባጀ መንቁ ባሶት ኢትኬተሎነይ ሱልቸ ሱተ ዮነይ “ሀቅ” ሱተ የሎነይ “ክዝብ” በበሎት በቶጵዮ መልክት አፍ ክንብሉ። “ክዝብ” በበሎት የክነበልኩሙይ ሱለ ሱታይ ጀዋብ ለአሽርጌታሙ ኢውዱ።

- 1. ከዲር አሽርጌተከ ኢነይ አዝጋገ ምን ኢሉያን ባላኔ ተሳለይ።
- 2. የከዲርዋ የአሊ.መ ቡርደ ሉሌ መልክት አዲስ አበበ ዩንቨርስቲን።
- 3. የከዲርዋ የአሊ.መ አ/ጋር ተቡርደኒሙ በካበ አዘር ኢትረከባን።
- 4. ከዲርዋ አሊ.መ ተአሽርጌተኒሙ ጊነ ሀደን ቡርደ ኢነብሮነይ።
- 5. የከዲርዋ የአሊ.መ ቡርደ ስድስት ኪሎ ኢሉያን።


### ተረሻት 2

ለታት በታቡይ መልክትቸ በድጋለሎት በቶጵዮ መልክት አፍ መሳወ ሀለቅቡይሙ።



# ሱረ አራት

## ጡሃርነት



# አሽር ሀድ


## ዱንዙት ቅራት

### ተረሻት 1

የቆረ መራርቻው ያብሌ የጅስመ ቃምቸ ኢጠሮነኮ ተሳሉይሙ። የቆረ መራርቻሙ ቱምነ የጅስመ ቃምቸ ኢጠሮነኮ ቲትሳሉይሙ በቶጵዮ መልክት አፍ ክንባየ ዋቡ።

### ተረሻት 2

ለኮሎ በምስለ ደር ታንዙይማሙይ የጅስመ ቆመፌትቸ ብለ በቶጵዮ መልክት አፍ አፍታቱ




1. ቢኔየ \_\_\_\_\_
2. በበርበሬየ \_\_\_\_\_
3. ቢዝኔየ \_\_\_\_\_
4. ቢንጣቢትቸየ \_\_\_\_\_
5. ባረመቴየ \_\_\_\_\_



### ተረጎጥ 3

ለታት ያለይ ምስለ ቢንዞት በምስለ ደር ታንዙይማሙይ የጅስም ቃምቸ በቶጵዮ መልክት አፍ ወባጀ አስቡይሙ።



















# አሽር ሆሻት

## የመሳወ ተረሻት

### ተረሻት


ለከሎ በታቡይ መልክትቸ ጉት አምስተይ ሚጥሮኔ በቶጵዮ መልክት አፍ መሳወ አሱ።

 <p>እንጅ</p>	 <p>በርበሬ</p>	 <p>ኢን</p>	 <p>ኢገን</p>
 <p>አረመት</p>	 <p>እንግር</p>	 <p>ኢስን</p>	 <p>የዱም ጠገር</p>
 <p>ጂስም</p>	 <p>ጎተቼ</p>	 <p>ክርማዬ</p>	 <p>እንጣቢት</p>
 <p>ቀፈት</p>	 <p>ወንደብ</p>	 <p>ደል</p>	 <p>አፍ</p>



## ተረጎብ 2

ለከሎ በታቡይ መልክትቸ ጉት አምስተይ ሚጥሮኔ በቶጽየ መልክት መሳወ አሱ።



1.

3.

5.

2.

4.

6.

# አሽር ሼሽት

## ቅራት

### ተረሻት 1

ለኮሎ ያለይ አንጭር ቅራት አሽርጌታሙ በቶጵዮ መልክት አፍ ቲቀሩ ፈየኮ ተካኪተሉ።

### የገግ ጡሃርነት

በቡርደነ ብገር ዌጅ ኢነብሮን። ኢታይ ዌጅ ሁለምጊነ ተአሽር ጋር በትክክለሉ ሬር በአዝጋጊ ባለይ ባጀ ኢትፌቀሮን። ዌጅሚ ሉላሉሌ መትፊቀረ ቲትፌቀሩ ኢንዞት ያቆምሳን። አውጄ ብገር ዌጅ የመትፊቀር ባጀ አልመጠን። የቡርዳይ ሁርመኚ ባሊቅ ደልኮበ አቦ ቡንጋይ ቲያልፋም የዌጂ ኡንሰነት አትኬታይማኔ ዌጃጀው ባሎኔ ጠሩይሙ። ዌጃጀሚ በመትፊቀሪ ደር ሎኑኮ ሊሰሙይሙ አላቀተሎን። በመትፊጄም የጀማል ዌጅ ገረድ ዮንትቴ ለምቡሬ ኤሰብተይሙ። ዮሁነ ኤት ረወጥታኔ ሄተ ምነ ኢከሶነኮ ተሳልተይሙ። ኡሁኑም ኢትፌቀሮነይ ዌጅ ለምን የኔቀሱኮ ተሳሎተ? ኢሻም ብገር ወልድቸ ታንጠን ባተይሙ። ኡሁኑም በኖዞ ሃለት ኢንጭነኒሙ ምን ግዝን? ባሎት። ጨሎምቴ ምን ግዝ ዮነኮ አትችላትኮ ኤወድተይሙ።

ደልኮበ አቦም ገፍቦይ ቦዘኮ ላትኬታይሙኮ አላይ ፎኖ ሄዶኔ አውገረድ ፋጢማነ ተሳሎት። አውገረድ ፋጢማም ብገር ወልድቸ ጡሃርነት በልቂሮት ሁኖተከ ኤወተይሙ። ኡሁኑም ተክናበሎ የመትፊቀሬ ኤት ሄዶኔ ሀደጊነ ሁሊማሙ ጭም በሉኝ ባሉይሙ። ወልድቻሚ ጭም ባሎኔ ኡሁን ለምን የከሱይሙኮ አጥራምቶት ጀመሩ። ባሊቅሚ “መራርቻሙ ለምን ቀሮን?” ባሎ ተሳሉይሙ። ወልድቻሚ ለምን የቀሩኮ አልቻሎተኒሙ ኢወዱይሙ። ፡ ኡሁንም ወልድቻይ ታንጠተኒሙዋ የታጡቢ መሰከ የገገኒሙ ጡሃርነት ቂሮት ቲነብሪቢሙ “በሰአያምከ ለመትፊቀር ኢነይ ባጀ ለምን ቲመጠሙ? ኢቢታይ ባጀንገ ቲበ አለቢ ባሉይሙ። በቲባይ ኡስጥ ሊን አይቲሮን ነቶ ያመጠን ጀርምቸ ኢነብሮን። ለኢኮ ሁለምጊነ በመትፊቀሬ ሬር ጂስማናሙ ተራጠት አለቢሙ” ባሎኔ ሼዙይሙ።

ወልድቻሚ ቲትክክበልነን መጥ ወይ ተራጠት ያለቢነይ ባሎኔ ተሳሉይሙ።

: ባሊቅሚ ስረም ፈያን ሱል ባሎኔ አፋታቶ ኤወዱይሙ:: ሂንኩምንገ ሁለጊነ ተሚኚታሙ ቲትነቁ ኡፍታናሙዋ ኢንጃናሙ ተራጦት አለቢሙ::  
: ቲታይ በድባየ ሁለጊነ ስንቀ ተብሎታሙ መጥ ተዮን ሹማት ጋር ገባሞኔ ቲቶጡ ኢንጃናሙ በሳሙነዋ በመይ ተራጡ:: ዌጃጃሚ የውን አቦ ስረም አሀተ ዩውድናን ባሎኔ መትፊቀሬኒሙ ጀመሩ::


### መርሕ 1

ለደር ቡፍት 25 ያለይ ቅራት መንቁ ባሶት አሽርጌታሙ ሊሳሉማነይ ሱል በቶጵዮ የመልክት አፍ ጀዋበ ዋቡ::

1. በቡርዳይ ያሉይ ዌጃጃ ተአሽር ጋር በትክነበሉ ሬር እትፊቀሮነይ ባዩትን?
2. የቡርዳይ ሁርመኚ ባሊቅ ደልኮበ አቦ ዌጃይ ጠሮኔ የሳሉይሙይ ምንግዝን?
3. የቡርዳይ ወልድቸ የታንጡይ በምን አይነት ነቶን?
4. ባሊቅሚ ለቡርዳይ ወልድቸ የገግ ጡሃርነት ምን በሎት ዮነኮ አይነኮ ሽዙይሙ?
5. ባሊቁ ለቡርዳይ ዌጃጃ ተመትፊቀሬ ሬር ተራጦት አለቢሙ የባሉይ ለምንግዝን?
6. የገገ ጡሃርነት ቂሮት ያትኬሻነይ መቼን?

# ሱረ አምስት

## ያቦት ኢንደት ወሻይብነት



# አሽር ሀድ

## የዩንዞት ቅራት

### ተረሻት 1

የቆረ መራርቻሙ የአበሮስ ወሻሻ ዬውዶነኮዋ የወሻሻሚ የብለ ወጥ ምነ ሁኖት ያለቢኮ በቶጵዮ መልከት አፍ ተሳሉይሙ። አቱሙሙ ክንብሎኔ ኢውዱይሙ።

### ተረሻት 2

ለታት ያሉይ ምስልቸ ቢንዞት በምስሊ ታንዙያሙይ የብል አይነትቸ ለአሽርጌታሙ በቶጵዮ የመልከት አፍ አቲሩ።



- 1.
- 2.
- 3.
- 4.

# መሮሼ 1

ለታት የቀረቡይ ሱልቸ በቶጵዮ መልክት አፍ ክንብሉ።


- |                       |                 |
|-----------------------|-----------------|
| 1. ዩንደት ልጃጅ አሉሀ?      | 5. ኢቤር ማልደ አለሀ? |
| 2. ምስት ዩንደት ልጃጅ አሉሀ?  | 6. ምስት ማልደ አለሀ? |
| 3. ዩንደት ገረድቸ አሉሀ?     | 7. ምስት ኢቤር አለሀ? |
| 4. ምስት ዩንደት ገረድቸ አሉሀ? | 8. ተማኒ ቲነብራሀይ?  |

## አሸር ሆሻት


### ሙሻወረ

#### ተረሻት 1

ለታት በታቡይ መልክት አምስተይ ሚጥሮኔ በቶጵዮ መልክት አፍ መሳወ ክተቡ።







## ተረሻት 2

ለኮሎ ያለይ አንጭር ወባጀ አሸርጌታሙ በቶጵዮ መልክት አፍ ቲቀሩንኩም ኢንዞኔ ፍየኮ ባጥናባሙ ሬር ቀጸኖ በውኖት ወዳ ወዶ ተራሩሱ።

### የሄ አበሮስ

አሸርጌታ: ፈያንኩ ሰብሎን? አይኔ ቴዳሀ?

ሰብሎን: ፈያንኩ አሸርጌታ ታበሮሴ የኮበነ ቦሎቾ ዩድናን።

አሸርጌታ: ስረም ተስ ያትሬሻን። በል አበሮሳናሀ አቻቺለኝ።

ሰብሎን: የውን አሸርጌታ። ኢታይ አቤቴ ሱመክ ኡልባዶ ዋጀ እሉያን።

ሰብሎን: ኢታይ አሸርጌታን።

ኡልባዶ ሱምኒሙ ማኒ?

ዋጀ:

ሰብሎን: አሸርጌታ ኮርሰቦ እሉይማን።

ኡልባዶ ፈያንክ አሸርጌታ? ለትራኩብነ ኤት አቆመሰኛን። ኤተቴ የጋርኔ

ዋጀ: ኢንደት ሱሚምሽ ተሙኔ ዋሽቶ እሎታን።

አሽርጌተ: ፈያንኩ ኩልባዶ ዋጆ። ኢሄም ለቻቻልነ ኤት አቆመሰኛን።

ኩልባዶ ኢታይ ሱር የሰብሎን ማጠዋ ማጤትኒሙ። የሮሬይ አልበዙ ዋጆ። ኢሉያን። ቀልቴንገ ሂክመ እሎታን።

ሰብሎን: ኢታይንገ ማልዳኔ። ገግሰቦ ኣቦ እሉያን። ኢሸንገ የጋርንከ ኢንደት አውገረድ ባድገቤ እሎታን።

አሽርጌተ: ፈያንኩም የሰብሎን ኢቤርዋ ማልደ?

ሰብሎን: ኤታይንገ ያዴያ ኣቦተሽ። ሱመከ ጀማል ኣቦ ኢሉያን። ቢታይ አዘርንገ ያለቴ የጋር ኢንደትኒሙ። ሱመኒሙ ኢቴቴ ዜነባ ኢሉይማን።

አሽርጌተ: ፈየ ስነበትኩም የሰብሎን ኢቤርዋ ማልደ?

ሰብሎን: ኢታይ ቡሩንገ ያቤያ ዩንደት ልጂዋ ዩንደት ገረድኒሙ። ቢታይ አዘርንገ ያዴያ ዩንደት ልጂዋ ዩንደት ገረድኒሙ።

አሽርጌተ: ፈያንኩም የሰብሎን ኩሚ/ ሃቦትዋ አናት/ኢንደት?

ሰብሎን: ኢታይ ሱርንገ ሆሽቴ የኩሚዋ የአቦትኔ ወልድቸ። ኢታይ ሼሽቴንገ ሆሽቴ የአናቴ ወልድቻኒሙ ሀዲይንገ የኢንደትኔቴ ልጅ።

አሽርጌተ: የሮሬ ተስተ ተሴማኛን ታበሮሳ ለቻቻልከኝ ኤት።

ሰብሎን: አበሮሴ ኢታኒ ሱር ሁልምነ ቦሎቾይ ቲሌድነን የትራከብነይ።

አሽርጌተ: ሰብሎን ታበሮሰሀ ላቻቻልከኝ ኤት ወደል አሀተ ዩውዳው።

### መሮሼ1

ለደር የቀረበይ አንጭር ወባጀ መንቁ ባሶት አሽርጌታሙ ሊሳሉማነይ ሱልቸ በቶጵዮ መልከት አፍ ክንባየ ዋቡ። ክንባያሚ ሱተ ቦነ “ሀቅ” በሎንንገ “ክዝብ” በበሎት ክንብሉ። ክዝብ በበሎት ለክነበልኩሙይ ሱልቸ ሱተይ ምን ዮነከ አበይኑ።

1. ሰብሎን ታበሮስከ የኮበከ ቦሎቾ ቲዩዱን ታሽርጌታይ የትራከብነይ።
2. ሰብሎን ለአሽርጌታይ ኢታይ አቤቴ ኮርሰቦ ዋጆ በበሎት አቻቻለይሙ።
3. ለሰብሎን ሆሽት ዩንዳት ልጂዋ ሀድ ዩንደት ገረድ አሉይ።
4. ኢቤርዋ ማልደ ገግሰቦ ኣቦዋ አውገረድ ባድገቤ ኢሉይማን።

5. ለሰብሎን ሼሽት የአናት-ዋ የኢነደት-ዋ ሆሽት የኡሚዋ የሃቦት ወልድቸ አሉይ።


### ተረሻት 3

ያበሮስ ቀራንቀሮ በምስል አቲሩ። ባበሮስ ቀራንቀሮ ደር ቲቲ ኮሎ የትጨቀሙይ ኮብለተኒሙ ባትራክቦት በቶጵዮ መልከት አፍ አቲሩ።

- » ያቱም ኢቤር/ማልዳዶ
- » ያቱም አቦት/ኢንደት
- » ያቱም ኡሚ/ሃቦት-ዋ አናት/ኢነደት
- » ያቱም ዋጂ/ማጠዋ ዋሽት/ማጤት
- » ገጋናሙ።

# ሱራ ስድስት

ዌጃጅ ምነን ያሱን?





# አሽር ሀድ

## ዩ.ንዞት ቅራት

### ተረሻት 1

ለታት ያሉይ ሱልቸ ፈየኮ ኢንዞኔ በምስልቻይ ደር ታንዞይማሙይ ለአሽርጌታሙ በቶጵዮ የመልከት አፍ ኢውዱ።



### ተረሻት 2

ለኮሎ ያሉይ ምስልቸ ቢንዞት በምስሊ ደር ታንዞይማሙይ ብልቸ ለሜጠቀሙ ታላይ መራሙ በቶጵዮ መልከት አፍ ወባጀ አስቡይሙ።





### ተረጎጥ 3

ቲኢ ኮሎ ያሉይ ምስልቶ ቢንዘት በምስልቻይ ደር ታንዘይማሙይ ከውንቸ (ብልቸ) ለአሽርጌታሙ በቶጵዮ መልከት አፍ ኢውዱ፡





## አሽር ሆሽት

መሻወረ

### ተረሻት 1

ለኮሎ ያለይ አንጭር ወባጀ አሽርጌታሙ በቶጵዮ መልከት አፍ ቲቀሩ ኢንዞኔ ፈየኮ ልቤ በባሙ ሬር ቀጻኖ በውኖት ወዳ ወዶ ተራሩሱ።

### ዋጃጃ ምነን ያሶነይ?

- አቦት:- ዋጂው፣ዋጂው አይኔን ሄዶን ሆኔ አታይ ዋጃጃ?
- ልጁ:- ዬዋ አቦ!
- አቦት:- ምንግዝን ቲልጠራሙ ኢትስሙወይ? ምነን ታሶሙይ ኢነ ያይላን ቲልጠረ የልሰማሙይ?
- ልጁ:- ተሀረሚ አብሌወጣናኔ ጡርቤ እትፌቀርነ ናር።
- አቦት:- ዋጃዋ ማጤትዋ ሱር?
- ልጁ:- ኡሁን አሉ። ኡሀ ተኘ ቂጦ ጡርቤ እትፌቀራን። እሸንገ ተመራርቸሽ የደሮ ሰሬ ቲትፌቀራት።
- አቦት:- በሉ ጊቡ እከተማን። አኩ ሳቲ የጋር ብለሙ ታስቢይሙዋ ቲሞጥልቡያሙን ወክት።

ልጁ:- የውን አቦ ለሂዳኔ ሆሽተሚ ለጥራይሙ።  
አቦት:- ፈያን ኮማ ጥራይማኔ ቲሞጥሎሙ። ሙጥሎት ቲታከቱ ምነ ታሶሙኮ ያትባድናን።

ልጁ:- የውን  
አቦት:- መጣሙ? አኩ ጃንጎ በትፌቀርኩሞ ኢከተማን። የጋርብላሙ ታሶሙ። የጋር ብለሙ ቲትፈዱ ትሞጥሎሙ። ፡ ሞጠልኩሞኔ ቲታከቱ ሁሊማሙ ታፎሎኔ፣ ባፎይሙ ፊር ሀዳሙ ለሱቃይቶ መዬ ታሰከሙ። ሆሽትሙንገ የጋር ሙተ ታጥቦሙ። ገናሙንገ ጁንጆይ ታንስሶሙ።

ወልድቻሚ:- የውን አቦ ሙጣሎ በፈጅነ ዞፍ ማ ምነ አሶት ያለቢኮ ያትባድናን።  
አቦት:- ፈያን ዌጄው

### መርሕ 1

ለደር አንጭር ሙሻወረ አሰነት አሽርጌታሙ ሊትሳሉማነይ ሱልቸ በቶጵዮ መልከት አፍ ጃዋቦ ዋቡ።

1. ወልድቻይ ምነን ያሶነይ?
2. የጩሎይ ዋሽት ምነን ታሽ ናር?
3. አቦት ወልድቻይ ጠራኔ ምነን ኤዘዘይሙ?
4. አቦት ወልድቻይ ተሙጣሎ ፊር ምነን አሱ ባለይሙ?
5. ወልድቻይ ጋር በመጡ ፊር ምነ ያሶነኮ የብለ ሲጀ ዋቡይሙ?

### ተረሻት 2


እሊ ኮሎ የታቡይ ምስልቸ በድጋለሎት በቶጵዮ መልከት አፍ መሳወ አስቡይሙ።





# ሱረ ሳብት

## አኩ ወክቲ አባርን



# አሽር ሀድ

## ዩ.ንዞት ቅራት

### ተረሻት 1

የክተ አይነትቸ የቆረ መራርቻሙ በቶጽዮ መልክት አፍ ተሳሉ። የቆረ መራርቻሙ እትሳሉማነይ በቶጽዮ መልክት አፍ ክንብሉ።

### ተረሻት 2

ለኮሎ ያሉይ ምስልቸ ፈየኮ ኢንዞኔ ለኮሎ ለትከተቡይ ሱልቸ ክንባየ ዋቡ። ለአሽርኔታሙ በቶጽዮ መልክት አፍ አቲሩ።



1. ዝላም እዘልምብያን ወክተ ምን እሉያን?
2. ገፍል እገፍልብያን ወክተ ምን እሉያን?
3. አይር ጦለ እልብያን ወክተ ምን እሉያን?
4. ገፍልቸ ቲደርቁ ቁጠልኒሙ እረግፍብያን ወክተ ምን እሉያን።

### ተረጎት 3

ለታት ያሉይ ምስልቸ ቢንዞት በምስሊ ደር ታንዞይማሙይ ሃለትቸ ለሜጠቃሙ ታለይ መራሙ በቶጵዮ መልከት አፍ ተሳሉ። መራሙ እትሳለይ ማነይ ግዝ በቶጵዮ መልከት አፍ ክንብሉ።



# አሽር ሆሽት

## ሙሻወረ

### ተረሻት 1

ቲቲ ኮሎ ያለይ አንጭር ወባጀ አሽርጌታሙ በቶጵዮ መልክት አፍ ቲቀሩ ፈየኮ ቢንዞት ቀጸኖ በውኖት ተራሩሱ።

## በከርም ወክት አሽር ኤለ

ረዲ:- ፈየ ስንበትሺ ጀሚላ ዋሽቶ?

ጀ ሚ ለ

ዋሽቶ:- ፈየ ስበትከ ረዲ?

ረዲ:- ጀሚላ ዋሽቶ አይኔ ቴዶሙ?

ጀ ሚ ለ

ዋሽቶ:- ለጋር ያትኬሶን ሙትቸ ለውከቦት ገበየ ዬዳው።

ረዲ:- አይሪ ጦለ ባለ ሎረደቢሙ ባዎ።

ጀ ሚ ለ ኣዎ አይርን። ግንመ ዣንጢለ ኤንዜሆ። አተ አሽረ ጋር

ዋሽቶ:- እቴድወይ? ባኩይ ሳት ኢቢ ኤት ምን ታሻሀ?

ረዲ:- ከርመ አሎን ወይ? በከርም ወክት አሽር ኤለ።

ጀ ሚ ለ አሃ! ኤትንክ፤ ረሳውያው። ስረም ፈያን። በል አሽር ቤለቢሀ

ዋሽቶ:- ተዬ ቂጦ ገበየ ለሂድነ ታግዘኛሀ።

ረዲ:- የውን ዋሽቶ

ጀ ሚ ለ

ዋሽቶ:- በከርምን ወክት መጥ አሽር ዬለሙይ።

ኣው! አሽርጌተነ ዬወዳነኮ ባይዶይ ኡስጥ አራት ጎራርቸ አሉ።

ኡሁኑም ከርም፣ አባር፣ ወረራወዋ መሀር እሉይማን። ከርም

እሉያነይ ዝላም እዘልምቢያነን ወሪ። ለኢኮ ዝላም ቢዘልምቢያን

ረዲ:- ወሪ አሽር ኤለ።

ስረም ቆማሪንክ ደረሰ! አሽርጌታሀ የባሉሀ ግዘ እትረሰ በሎትን፡  
ጀ ሚ ለ : ከርመ አሽር በይነብርም ሙጥሎት እነብርብሃን፡፡ በልሞጠል  
ዋሽቶ፡- አሽር ቲጀምር ቀደ የቀረሀይ ሊትረሳይ ታቀትለሀ፡፡

የውን ዋሽቶ እሞጥለው! ፈየኮ ለሼዙኝ ኤት አሀተ ዩውዳው  
ረዲ፡- የረሳውይ ዩክሳውኮ አሼሙኛሙ፡፡

ጀ ሚ ለ ምነም አሎነ፤ አተ ልጄየ አሎንክ ወይ? ኢሄም ወሻይብነት  
ዋሽቶ፡- አለብኝ፡፡ በል ቆማሬ ደረሰ ሁኖት አለብሀ፡፡

ረዲ፡- የውን!

ጀ ሚ ለ በል ገበየ ጀጄናን ኡስጠ እገብናኔ፤ እከሸናያይ ኮም የክብነ  
ዋሽቶ፡- እትክነበልናን፡፡

የውን! ሎድ ባልናኔ ብሉክብነ ምንም ምካት ኤለይ፡፡ አቱም  
ረዲ፡- ቲክሱይማሙይ ለውክብናኔ ለትክነበልነ፡፡

### መሮሼ 1

ለደር ቡፍት 42 ያለይ አንጭር ሙሻወረ መንቁ ባሶት አሽርጌታሙ  
ሊሳሉማነይ ሱልቸ በቶጵየ መልክት አፍ ክንብሉ፡፡

1. ጀሚለ ዋሽቶ አይኔን ዩዱ ናር?
2. ረዲ አሽረ ጋር የሌደይ ለምንግዘን?
3. ረዲ ለጀሚለ ዋሽቶ ዩወደይሙይ አራት ጎራርቸ ምን ምንግዘኒሙ?
4. ለረዲ አራተይ ጎራርቸ ዩወደይ ማኒሙ?
5. ጀሚለ ዋሽቶዋ ረዲ ቂጦ ገበየ ዩዱይ ምን ላሶትን?


### ተረሻት 2

ለኮሎ የታቡይ ቀውልቸ በድጋለሎት በቶጵየ መልክት መሳወ ህለቁ፡፡



# ሱረ ሱሙት

## አሽርጌቴ ቀጫንንት





# አሽር ሀድ



## ቤንዞት ቅራት

### ተረሻት 1

የቆረ መራርቻሙ ሰበብ፣ ሙታሙትቸዋ የጂስመ ቃመቸ ኢጠሮነኮ በቶጵየ መልክት አፍ አትባዱ። የቆረ መራርቻሙ የልጩቀሙይ ሱር በድበሎት ወባጅ አስቡይሙ።

### ተረሻት 2

ለኮሎ ያሉይ ምስልቸ ቢንዞት በምስል ደር ኢትሮነይ ለአሽርጌታሙ በቶጵየ መልክት አፍ ኢውዱ።



### ተረሻት 3

እለኮሎ ያሉይ ምስልቸ ኢንዞኔ በምስሊ ደር ታንዞይማሙ ግዝቸ ለሜጠቃሙ ያለይ መራሙ በቶጵየ መልክት አፍ ተሳሉ። መራርቻሙ ኢሳሉማነይ በመልክት አፍ ክንብሉ።





## አሽር ሆሽት

### የመሳወ ተረሻት

#### ተረሻት 1


ቲኢ ኮሎ በታቡይ መልክትቸ በድጋለሎት በቶጵዮ መልክት አፍ መሳወ ህለቁ።





## ተረጎብ 1

ለታት ያሉይ ምስልቶ ፈየኮ ኢንዱ ምስልቻ ለአሽርጌታሙ በቶጽየ መልከት አፍ አቴፍ።



# አሸር ሼሽት

## ቅራት

### ተረሻት 1

እሊ ኮሎ ያለይ አንጭር ቅራት አሸርጌታሙ በቶጵዮ መልከት አፍ ቲቀሩ ፈየከ ተኪተሉ።

### ጉደሪ ኡንገ

ጃቢር በቡርደን ታሉይ ቆማሪ ሀድኑ። ሀደ አያመ ታበኮዋ ታዴክ ገበየ ሄዱ። ገበየ ዩዱይ ጃቢር የረከበይ ጎትተኝ ውጣት አቆመሰይማኔ ሊባሰ ለውከቦትን። ኢነብርነሚ ተከተመ በዞኮ ሩቀ ጌ በሆነኤት ጉደሪይ ኡንገ ቢንግርኒሙ ሂደት ጀመሩ። ገበያይ ተጄጉሞኮ የጃቢር አቦት ምነ ኢከሻከኮ ተሳሉይ። ኡሃም ጤመሱሬ ጉመረ ሸሚስ፣ ሰመይ ደነ መገሬ ሹራብ፣ አፈር ደነ ጫመ፣ ቡሽ ካልሴ፣ ጉመረ ዩስጠ ሱሬዋ ከነቴረ፣ ቁጠሊያ የስፖርት ልባሰ፣ ባረ ደነ ጀኬተዋ ጤመ ዘለበተ፣ ኢከሻከኮ ኤወዳይሙ። ጉደሪይ ኡንገ ሌዱ ኤት ጨጥነ ተሴማይማኔ ገበየ ተግቦትነ ቀዳ ባድሻይ ጋር ላፉይነ ባሎኔ ተጎበሉ።

አስናጂሎምቴ የድጎበልቡይ ጠረቤዘ ቲትውለውል ምነ ለቲዘዝ ባተ ተሳልተይሙ። ኡሁኑም አረንቻተ አምጪ ባሎት። እሻም ዩዘዙተይ ኮሞ አመጣተ ተቢጪርቆ አድጎበልትኒሙ። ጃቢር በቀረቦኒ ቀጪን የሮሬ ቦነይ ብጪርቆ አረንቻተይ ስኮት ጀመረ። አቦ አደከንገ አንጪር ቦነ መገሪነት ባለይ ቢጪርቆ ያመጣትኒሙይ። ኡሁኑም የጃቢርነኮ በቢጪርቆይ አረንቻተይ ቀዶኔ ስኮት ጀመሩ። አረንቻተኒሙ ሰኮኔ ባፎሉ ሬር ኢሳባኒሙ ከፈሎኔ ገበየ ፎኖ ገቡ። በገበያሚ ኡስጥ ጃቢር ዮደያው የባለይሙይ ልባሰ ከሶኔ ቦከቡ ዞፍ ጋረኒሙ ፎኖ ተክነበሎኔ ጉደሪይ ኡንገ ቢንግርኒሙ ቲንዘዙይ።


## መርሕ 1

ለደር በቅራቲ አሰነት አሽርጌታሙ ሊሳሉማነይ ሱለቸ በቶጵዮ መልከት አፍ ክንብሉ።

1. ለጃቢር ልባስ የክቡኒ ለምንግዝን?
2. ጃቢርዋ ኣባዴክ ኢነብሮነይ ባዬትን?
3. ጃቢር ላቦክ ዩወደይ ምን የክቡያነኮ ክሼናር?
4. ጃቢርዋ ኣቦ አዴክ በሻዬ ጋሪ ኡስጥ አረንቻት በስኮት የመጠኒሙይ ብጩርቆ አይነኮሌን ናር?
5. ለጃቢር ያትኬሽያነይ ልባስ ቦክቡኒ ሬር ጋረኒሙ ፎኖ የትክነበሉይ በምንግዝን?

# ሱረ ዚጠኝ

## ቦርሳሽ ምን ኢመስላን?



# አሽር ሀድ

## ዩንዙት ቅራት


### ተረሻት 1

በጎልጌ ኡስጥ የቆረ መራርቻሙ ዩንዙይ ግዝ ምነ አመስላነኮ በቶጵዮ መልክት አፍ ተሳሉ።

የቆረ መራርቻሙ እሳሎማነይ በመልክት አፍ ክንብሉ።




### ተረሻት 2

ለኮሎ ያሉይ ምስልቸ ፈየኮ ሂንዞኔ በምስልቻይ ደር ኢትራነይ በቶጵዮ መልክት አፍ አቲሩ።



### ተረሻት 3

ኢ.ሊ. ኮሎ ባለይ ምስል ደር እትሮነይ ግዝቸ ለሜጠቃሙ ታለይ መራሙ በቶጵዮ መልክት አፍ አትባዱ።



## አሽር ሆሽት

### ሙሻወረ

### ተረሻት 1

ለኮሎ ያለይ አንጭር ወባጀ አሽርጌታሙ በቶጵዮ መልክት አፍ ቲቀሩ ኢንዞኔ ቀጸኖ በውኖት ተራሩሱ።

### ቁጠልዬ ኩቡቤ ሳት

አሽርጌተ፡- ፊየ አንደርኩሞሙ ደረሳሶ

ደረሳሶይ፡- ፊያነ ሹክረ የግባይ ለአለሀ።

አሽርጌተ፡- አውጄ ኢቀርነያነይ የሙትቻይ በቆር፣ በቂጨዋ በደነ አይነኮ ያበይነነኮ ያንሻርናን። ላፍቴ የቆረ አይነትቸ ማኒ ዬውዳኛን።

ሳዲየ፡- ኩሉሌሰ፣ አራት ሜጠቅዋ ሼሽት ሜጠቅ፡

አሽርጌተ፡- ስረም ፊያን! ኢታኒ ሱር መጥ የቆር አይነትቸ?

ሳኒ፡- ኩቡቤሰ፣ ሹሉሎዋ ፈት።

አሽርጌተ፡- ስረም ፊያን! አኩንን የቂጨ አይነትቸ ማኒ ዬውዳኛነይ?

አብራር፡- የሮሬ፣ ጉተኜዋ ቀል።



አሽርጌተ፡- ስረም ፈያን! በመትፈጃይንን የደነ አይነትቸ ዬውደኛን አለ?

አሊ፡- ቀጠልዬ፣ ጉመረ፣ ባር፣ ጤም፣ ሰመይደነዎ፣ አፈርደነ

አሽርጌተ፡- ስረም አዳካሌን! አኩ ጃንጎ የቆር አይነትቸ፣ ቁጨዎ የደነ አይነትቸ አንገፍናን። አኩ ኢታይ ሱር ሼሽተይ ባዴኝ ቴድጋለሎኔ ቴውዳኛሙ ኢሄ ሀደ ባዬት ያቴሪማው። የሮሬ ቁጠልዬ ኩሉሌሰ ሳት።


### መሮሼ 1


ለደር ያለይ አንጭር መሻወረ መንቁ ባሶት አሽርጌታሙ ሊሳሉማነይ ሱልቸ በቶጵዮ መልከት አፍ ጀዋበ ዋቡ።

1. አሽርጌታይ ለደረሳሶይ ያቀሩይሙይ ምንግዝን?
2. ሳዲያ ለአሽርጌታይ ያቴከሰተይሙይ የቆረ አይነትቸ ምን ምንግዝኒሙ?
3. አብራር ለአሽርጌታይ ያቴከሰይሙይ የቁጨ አይነትቸ ምን ምንግዝኒሙ?
4. አሊ ለአሽርጌታይ ያቴከሰይሙይ የደነ አይነትቸ ምንግዝ ምንግዝኒሙ?

### ተረሻት 2


እሊ ኮሎ በታቡይ መልከትቸ በድጋለሎት በቶጵዮ መልከት አፍ መሳወ ሀለቁ።





# ሱረ አስር

## ፈጅር ፈጅር ምን ታሰሙ?



# አሽር ሀድ

## ዩ.ንዙት ቅራት

### ተረሻት 1

ፈጅር ፈጅር ምነ ታሶሙኮ በመልከት አፍ አትባዱ።

### ተረሻት 2

ለኮሎ ያሉይ ምስልቸ ኢንዞኔ በምስሊ ደር ኢትሮነይ ያያም ታያም ከውነ ለአሽርጌታሙ በቶጵዮ መልከት አፍ አቲሩ።



### ተረጎጥ 3

እሊ ኮሎ ያሉይ ምስልቸ ኢንዞኔ በመስሊ ደር ታንዙይማሙይ የአያም አያም ከውነ ለማጠቃሙ ታሉይ መራርቻሙ ቂጦ በቶጵዮ መልከት አፍ ወባጀ አሱ።



### ተረጎጥ 4

ለታት ያሉይ ምስልቸ ፈያኮ ኢንዞኔ የሰሀደደኒሙ ምን ያሰነኮ ለቀዳሙ ታሉይ መራሙ ጊነ በቶጵዮ መልከት አፍ አትባዱ።





## አሽር ሆሽት

### ቅራት

### ተረሻት 1

እሊ ኮሎ ያለይ አንጭር ቅራት አሽርጌታሙ በቶጵዮ መልከት አፍ ቲቀሩ ፈየኮ ተካኪተሉ።

## የካሚል ያያም አያም ከውን

ካሚል በጎልጌነ ታሉይ ቆማሪ ደረሰሶ ሀድኒ። አሽርጌታነ ያያም ታያም ከውነ ዩውድናነኮ በሳሉነ ወክት ከሚል የገገከ ያያም ታያም ከውነ ሂንኩ አበየነ። ፈጅር ፈጅር ሁለምጊነ ባ12 ሳት ተሚኚቴ ኢነቃው። ታቲ ዞፍ ላፍቴ ሹማት ጋር ቤድኩ ሬር ኡፍቴ ኢትራጣኔ ጋረ ፎኖ ኢትክነበለው ታቲ ሬር ዮኸቢ ጋር ዮንጠ ስንቀ ጋር ዩዳው። የካሚል ኢንደት ግንዝረክ አስናጄተ በጠረቤዛይ ደር ታድጎብልኒያት። ካሚልም ግንዝረክ ኢበላን። ግንዝረክ በለ ባከተተ እስነክ በሱዋክ እፎንካን። ታቲንገ ሬር ቦርሰክ ዩንዛኔ አቦት ኢንደተክ ሰላመቼ ኢላኔ አሽረ ጋር ዩዳን።


ባሽር ጋር ፈጅር አሽረክ በሱትክ ኢትካኬተላን። የመፋዮ ወክት ቲደወል ተጎልጌ ዮጫኔ ሹማት ጋር ዩዳን። ተሹማት ጋር ቲዮጭ እንጄክ ኢትራጣኔ መዬ እሰቻኔ ጎልጌ ፎኖ እትክነበላን። ተመፋዮ ዞፍ ያለይ ያሽረ ወክተ ቀራኔ ቂጦ 6ሳት ቦነ ዞፍ ለባሬ ዮጫን። በቦርሰክ ኡስጥ የባሬ ሙተክ ዩንዛኔ ባሬ እበልብያኔት ዩዳኔ ባሬክ በሱኩት ኢንጄክ ኢትራጣኔ የባሬ ሙተክ ያድጎብላኔ የሳት ሬር አሽር ኢጄጃነን ጃንጎ ተመራርቸክ ኢትፌቀራን።

የሳት ሬር አሽር ተትፈጄክ ቦርሰክ ዩንዛኔ ጋረ ፎኖ ኢትክነበላን። ላፍቴ ልበሰክ ዩግናኔ ስንቀ በበለ ሬር የጋር ብለክ የሻን። የትረዘቀቢ ሙተ ባጠበ ዞፍ አብሌ ዮጫኔ ለአንጭር ወክት ተመራርቸክ ኢትፌቀራን። ጋር ፎኖ ቲትክነበል ሀደ ሳት ቂጨ እምጥላን። አቦት ኢንደትክ ለካሚል የልገቢኒ ግዝ ያጅርቡያን። ሙጣሎ ተፈጄክ ጂንጆ ዮርዳኔ ቴሌቢገርነ ያንገርኔ ታሮቲ 1ሳት ቲዮን ኢንግርቸክ፣ ኢንጄክዋ ኡፍተክ ኢትራጣን። ታቲም ኡርባተክ በላኔ ጠጠዬ ተሂዶትክ ቀደ መፋዮ ያሻን። ታቲሚ ሳት ቲሜለ ጠጠዬ ዮጫኔ ይኛን።

ኢታይ ካሚል ያያም ታያም ከውነ ተኡጣት ጂማት ጃንጎ ያሺያነይ ዮናን። ፡ አንስምበትዋ ግድርሰመበት ያሽር ጋር ከውንቸ ቲቀሩ ገናይ ብለ ያሻን።

### ተረሻት 2

ለኮሎ በታቡር መልከትቸ ጉት አምስተይ ሚጥሮኔ በቶጵዮ መልከት አፍ መሳወ አሱ።

 <p>ፊጅር</p>	 <p>ማልት</p>	 <p>ገባት</p>
 <p>አሮት</p>	 <p>ግንዝር</p>	 <p>ባሬ</p>
 <p>ኡርባት</p>	 <p>ተረዘቆት</p>	 <p>ተፊቀሮት</p>



## መርሕ 1

ለደር ያለይ አንጭር ቅራት መንቁ ባሶት አሸርጌታሙ ሊትሳሉማነይ ሱልቸ በቶጵዮ

መልክት አፍ ክንባዮ ዋቡ።

1. የካሚል የፈጅር ፈጅር ከውንቸ ምን ምንግዘኒሙ?
2. ካሚል ታሸር ጋር ያሸያነይ ያያም ታያም ከውነ ምን ምንግዘኒሙ?
3. ካሚል ታሸር ጋር በትክክለ ያሸያነይ ብል መንግዘኒሙ?
4. የካሚል ያሮት አሮት ያሸያነይ ብል ምን ምንግዘኒሙ?

# ሱረ አስረ ሀድ

## እስፖትረኛ መትፊቀርቸ



# አሽር ሀድ


## ዩንዞት ቅራት


### ተረሻት 1

የቆረ መራርቻመ ምን አሶት ዮዶነከ በቶጽዮ መልከት አፍ ተሳሉ። የቆረ መራርቻሙ አቱምም ምን ቶዶሙኮ ቲሳሉሙ ክንባየ ዋቡ።

### ተረሻት 2

እሊ ኮሎ ያሉይ መስልቸ ፈየኮ ኢንዞኔ በምስልቻይ ያንገፍሙይ ላሽርጌታሙ በቶጽዮ መልከት አፍ አቲሩ።





### ተረጎጥ 3

ለታት ያሉይ ምስልቸ ቢንዞት በምስሊ ደር ታንዞይማሙይ እስፖርተኛ ከውንቸ ለሚጠቀሙ ታሉይ መራርቻሙ ጊነ በቶጵዮ መልከት አፍ አትባዱ፡



# አሽር ሆሽት

## ቅራት

### ተረሻት 1

ለከሎ ያለይ አንጭር ቅራት አሽርጌታሙ በቶጵየ መልክት አፍ ቲቀሩ ፈየኮ ተካኪተሉ።

### እስፖርተኝ መትፊቀሬ

እስፖርተኝ መትፊቀሬ ለሰብ ወልድ ክንተ ታቦት ገነ ብገር ፋይደ አለይ እስፖርተኝ መትፊቀሬ በቡርነት የጋር ኡስጥ ያብሌ በበሎት ኢጠራን ፡ የጋር ኡስጥ እስፖርተኝ መትፊቀሬ ኡስጥ የጠረቤዘ ቴኒስ፣ ጆተኒ፣ ፑል፣ ከረምቡለ፣ ቦሊንግዋ የምሳሰሉይ ኢትረከቡያን። ያብሌ ኢሉያነይ የእስፖርተኝ መትፊቀራርቸ ኡስጥ ዱንግር ጡርቤ፣ የቻቻት ጡርቤ፣ የቀርጫት ጡርቤ፣ ዱንጀ ጡርቤ (ቦሌ)፣ ሩዋጫ፣ ሲረሮትዋ የምሳሰሉይ ኢትረከቦን።

እስፖርተኝ መትፊቀሬ ለክንት ቲልትጋለልነይሙ ሆሽት ቂጩ ኢነብረይማን፡ ፡ ሀዲ ገናይ ያሽያነይ እስፖርተኝ መትፊቀሬ ተካኪተሎት ቲዮን ሆሽትለኝይ ገነ በእስፖርተኝ መትፊቀሬ ተሳጂ ሁኖትን። በእስፖርተኝ መትፊቀሬ ደር ተደበሎት /አሶት/ ለጂስምነ ፈይነት ስረም ያትኬሻን። ሰብ ለአፊየክ በሰ አያምክ የማነሚ ያአያም አያም ከውነኒሙ አስፖርተኝ መትፊቀራቸ አሶት ኢትቂርብያን። ሰብቸ የክሼኒሙኮ ለላሉሌ የእስፖርተኝ መትፊቀራቸ ያሶን።

እስፖርተኝ መትፊቀሬ ክን ታትሪሶትኒሙዋ ላፊየ ታትኪሶትኒሙ በድባየ ባደነ ላቅራርቦትዋ ለቻቺሎትም የሮሬ ፋይደ አለይሙ። ቶጵየ በርወጦት በአለም ቲትቸልቢማቲ ሃለንትቸ ሀድኒ። በሉሌም በጉተኝዋ ጉደር ሩዋጩ ብዠ ሱመ ያጤሮን ሩዋጫጭ ላሊቆት ቲትቻላት።


### መሮሼ 1

ለደር በቀረበይ አንጭር ቂራት አሰነት አሽርጌታሙ ሊሳሉማነይ ሱልቸ በቶጵየ መልክት አፍ ጀዋበ ዋቡ።

1. እስፖርቲቭ መትፎቀሬ ለሰብ ክንት ታቦት ገን ያለይሙ ፋይደ ምንግዝን?
2. የጋር ኡስጥ የእስፖርቲቭ መትፎቀራሮ እሉይማነይ ምንግዝ ምንግዝኒሙ?
3. ተጋር አብሌ ያሉ የእስፖርቲቭ መትፎቀራሮ እሉይማነይ ምን ምንግዝኒሙ?
4. እስፖርቲቭ መትፎቀር ለክንት ቲልትድጋለልነቢሙ ኢነብረይማነይ ሃለት አፍታቱ።
5. ቶጵዮ ቲቻልብያቲ የእስፖርቲቭ መትፎቀሬ ኡስጥ ቡርቡርቻይ ቢክሰት አፍታቱ


## ተረጎሻት 2

እሊ ኮሎ በታቡይ መልክትቸ በቶጵዮ መልክት አፍ መፋዮ አሰወ ክተቡ።



# ሱረ አስረ ሆሽት

## አሽርጌተ በአሽርጋር ኡስጥ ያሻን?



# አሽር ሀድ


## ዩ.ንዙት ቅራት

### ተረሻት 1

የቆረ መራርቻሙ ኢሽሉይማነይ የብል አይነትቸዋ ባዬት እትረሳነከ ናየፍታቶ በቶጵዮ መልከት አፍ ተሳሉ። የቆረ መራርቻሙ አቱምም ቲሽሉይማሙይ የብል አይነትቸዋ ባዬት እትረሳነከ ቲሳሉሙ ጀዋበ ዋቡይሙ።

### ተረሻት 2


ቲታይ ኮሎ የቀረቡይ ምስልቸ ቢንዙት በምስሊ ደር ታንዙይማሙይ ሉባምቸ የብለኤተኒሙ አይኔ ዮነኮ ለአሽርጌታሙ በቶጵዮ መልከት አፍ አቲሩ።





### ተረጎት 3

ለታት ያሉይ ምስለቸ ቢንዞት በምስሊ ደር ታንዙይማሙይ ሉባምቸ ለሜጠቃሙ ታሉይ መራርቻሙ ጊነ በቶጽዮ መልከት አፍ አትባዱ።



# አሽር ሆሽት

## ቅራት

### ተረሻት 1

እሊ ኮሎ ያለይ አንጭር ቅራት አሽርጌታሙ በቶጵዮ መልከት አፍ ቲቀሩ ፈየኮ ተካኪተሉ።













### ሀኪምቴ ኣዴ ቦስፒታል ታሻት

የሼሽትለኚ ጎልጌ ደረሳንኩ። አሽርጌተነ የሉብ አይነትቸ እሳልናነኮዋ ሩዋየ ያስናጅናነኮ ቲሳሉነ ያበሮሴኔ ብል ከትብለ ባዋኔ አጥራመትኩ። እሄ ኢነብራውይ ተአቦት እንደትኔ። ለጋርነ አበሮስ የመትፈጄንኩ ጨለ። ሆሽት ዋጂ/ማጠዋ ሆሽት ዋሽት/ማጤት አሉኝ። ሀድ ዋጂዋ ሀድ ዋሽቴ ብለ ዬንዙ ቲዮን ገነኒሙ ደረሳኒሙ። ኣዴየ ሀኪምንት። ታሻትሚ በከተመነ ባለይ የሮሬ ሆስፒታል ኡስጥን። ኣቤየንን አሽርጌታን። ኣቤየ በከተመነ ኡስጥ ቢትቻላይ ያሽርጌታቶ ኮሌጅን ያቀራነይ። የጋርነ ያፍቴ ልጂዋ ዋሽቴ ዳኛኒሙ።

እሽ ብለ ታሻቲ በፍርድን ጋር። ዩሽ ማጠ ዩነይ ዋጂንን ፖሊስን። ኡሀንን ብለ ያሻነይ በፖሊስ ጣባን። ሆሽት ኢቤር/ማልደ አሉኝ። እቤር/ማልዳዴ በባሊቅነት መስ ብለኒሙ አቃነኖ እጠውራይማነኮ ሆኖን። ማልዴ ዝልዛሎተኝን ናር። ኡሀ ያሻነይንን በሱቅ ናር። ኢቤሬ የጋርንት ባልቴት ናርት። በጋር ኡስጥ ሉላሉሌ ብለ ታሻት። አራት ኡሚዋ ሃቦትዋ ሂንኩሙንን ሆሽት አናትዋ ኢነይት አሉኝ። ሁሊሚ በብልን ደር ያሉይ። ፡ ሀዲ ኡማየ የአሽዋራሪን። ገናይንን ሀዲይንን የሆቴል አስናጂሎን። ሀዲ ሃቦቴ አናጤ ቲዮን ሀዲይንን ሮጲላል አብራሪሎን። ሀዲቴ እነዶቴን ሀኪም ቲቶን ሀዲቴንን አናቴ የበረረ አስናጂሎንት።

### ተረሻት 2

ለኮሎ በታቡይ መልከትቸ በድጋለሎት በቶጵዮ መልከት አፍ መሳወ ክተቡ። ለባይትኩ- አሽር ጌተ በአሽር ጋር ኡስጥን ያሻነይ።

 <p>ዳኘ</p>	 <p>አሽርጌተ</p>	 <p>ነርስ</p>
 <p>ሃኪም</p>	 <p>አቲንዳዳሪ</p>	 <p>መንዲስ</p>
 <p>አሽዋራራ</p>	 <p>ፎሊስ</p>	 <p>አሽረጋር</p>
 <p>ክሊኒክ/ሆስፒታን</p>	 <p>የብል ጋር</p>	 <p>አራሽ</p>

## መርሕ 1

ለደር ያለይ አንጭር ቅራተ መንቄ ባሶት አሽርጌታሙ ሊሳሉማነይ ሱልቸ በቶጵዮ መልክት አፍ ጀዋበ ዋቡ። በሰሀደዲ ሱል የብል ኤትቸ ደበሎኔ አፍታቱኒሙ።

1. የወግሺጊ አቦት ኣዴከዋ ኣቦከ ምነን ያሶነይ?
2. የወግሺጊ ዋጂዋ ማጤትቸ ያሶነይ ምንግዘን?
3. ኢቤርዋ ማልደ በባሊቅነት የነቀ ብለቲደጎትኒሙ ቀደ ምነን ያሱ ናር?
4. ኡማምቸ ምንግዘን ያሱ ናር?